

վասն Հայոց միայն ուխտ դրեն : Հայք՝ եթէ այդպէս իցէ  
 ս'ըր դիցուք զհրաման Արքային, թէ ժամանակ առ ժա-  
 մանակ 'ի պատահիլ խռովութեանց հակառակ իմաստիւք  
 հրաման տուեալ են, այլ վարեսցին ըստ հրովարտակացն  
 զոր 'ի սոյն նուագի ետու երկուց ազգաց : զի եթէ մի են  
 հրովարտակք երկոցունց, աւելորդ են այդպիսի բանք, և  
 ոչ գտանեն տեղի 'ի լսելիս մեր : զի զոր ինչ կատարեն  
 Յոյնք ըստ օրինաց իւրեանց, զնոյն և Հայք կատարեսցեն :  
 Զանճրացուցիք զմեզ ասէ, զի շնչասպառ պարտասե-  
 ցաք, այլ բանք ձեր ոչ սպառեցան : Հեռացան փոքր  
 ինչ Հայք և Յոյնք, Դատաւորն և Մուվէլլայն սկսան  
 խորհիլ, ապա կոչեալ զՅոյնս խօսեցաւ յունկանէ, և յոր-  
 դորէր զՀայս հնազանդիլ : Սակայն Հայք ասացին, ոչ ինչ  
 օգտին աղաչանք, զի այս հրաման Արքային է և գործ ազ-  
 գային, մեք իբրեւ երեսփոխանք նոցին, զոր ինչ պարան  
 է զայն խօսիմք, և ոչ երբէք բաժանիմք 'ի բաժանորդ բա-  
 ռէն : եթէ կատարէք ըստ հրամանի Արքային՝ բարի՛ եւ  
 եթէ ոչ՝ որպէս գիտէք այնպէս արարէք : Ապա ասէ ցնուրի  
 էֆէնտի, սոքա երկոքեան չունին տալ երբէք հաճութիւն,  
 ելեալ կարգադրեսցուք, եթէ հաճին՝ բարի, իսկ եթէ ոչ՝  
 ինքեանք գիտասցեն : Եւ եկեալ առաջի խորանին Հայոց,  
 խօսէր ընդ նոսա բարկութեամբ, և 'ի չտալ նոցա տեղի  
 շողքորդ բանից նորին, կոչեաց առ ինքն զԻէնորդ Պոտուռ,  
 և սկսան կազել ընդ միմեանս վասն բառնալոյ անտի ըզ-  
 պատկերս Յունաց եւ կախելոյ կանթեղս յԱյրն : Եւ զկնի  
 բանից և վիճմանց՝ իջին ամենեքեան յԱյրն : յայնժամ ա-  
 սէ Դատաւորն՝ ահա ետու ձեզ հրաման կախելոյ զտասն  
 կանթեղս, զի բաժանորդ էք ընդ Յունաց, զչորսն 'ի վե-  
 րայ Մննդեան տեղւոյն եւ զվեցն յառաստաղէ Այրին 'ի  
 պատշաճաւոր տեղիս, և յաղաղակելն Հայոց թէ անմարթ  
 է մեզ պակաս ինչ ունիլ՝ քան զոր ունին Յոյնք, Դա-  
 տաւորն մեղմով աղաչէր զնոսա շատանալ նոքօք, ապա  
 հարեալ բեւեռս կախեցին զչորս կանթեղս 'ի վերայ Մնըն-  
 դեան տեղւոյն 'ի փառս մանկացելոյն Յիսուսի և 'ի պա-  
 տիւ ազգին Հայոց :

Իբրեւ կամեցան կախել զմի կանթեղ 'ի վերայ աստի-  
 ճանաց հիւսիսային դրան, ընդդէմ կացեալ կատինաց ա-